



Pou Piblikasyon Imedya: 27/05/2022

GOUVÈNÈ KATHY HOCHUL

**GOUVÈNÈ HOCHUL ANONSE OTOBIS NAVÈT GRATIS NAN WIKENN JOUNEN  
MEMORIAL LA POU WOUT PON GOUVÈNÈ MARIO M. CUOMO A K AP KÒMANSE  
28 ME**

***Otobis Hudson Link yo sipòte plizyè milye vizitè sou yon chemen itilizasyon  
pataje popilè***

Gouvènè Kathy Hochul te anonse jodi a ke otobis navèt gratis Hudson Link k ap sèvi vwa pou itilizasyon pataje Pon Gouvènè Mario M. Cuomo a pral rekòmanse sèvis chak wikenn apati samdi 28 me jiska dimanch 30 oktòb. Sèvis navèt sa a bay pyeton ak siklis yo sèvis san parèy soti nan kèk kote nan konte Westchester ak Rockland rive nan youn nan chemen pou itilizasyon pataje ki pi long nan peyi a. Prèske yon demi milyon vizitè te jwi ekipman yo sou chemen pou itilizasyon pataje Pon Gouvènè Mario M. Cuomo a depi li te ouvri dezan de sa.

"New York inik nan bote san parèy li yo ak anpil aktivite deyò li gen pou l ofri", **Gouvènè Hochul te deklare.** "Lè nou ofri yon sèvis navèt gratis ak plis aksè ak chemen pou bisiklèt, n ap ofri Nouyòkè yo yon opòtinite pou eksplore bote eta a pandan n ap ranfòse ekonomi touris nou an nan wikenn Jounen Memoryal la."

Otobis navèt yo pral fonksyone chak 20 minit ant èdtan 9:30 a.m. ak 9:30 p.m. nan wikenn ak pèmèt aksè fasil ak aterisaj yo sou tou de bò chemen lwazi a. Navèt la sèvi kat arè epi li vwayaje alafwa nan direksyon lès ak nan direksyon lwès pou sipòte itilizasyon chemen pou itilizasyon pataje a.

Kat arè yo enkli:

- Aterisaj nan Path's Rockland County (Chemen Konte Rockland) nan South Nyack
- Palisades Center - Lot J
- Aterisaj nan Path's Westchester County (Chemen Konte Westchester) nan Tarrytown
- Estasyon tren Tarrytown

Si pakin prensipal aterisaj yo sou chak bò yo plen, vizitè yo ka jwenn pakin adisyonèl nan Westchester nan Estasyon Tren Tarrytown lan ak nan Rockland nan Palisades

Center - Lot J. Vizitè yo ka pran Liy Metro-North Hudson lan tou pou rive Tarrytown. Pakin chemen an gen yon limit tan kat èdtan epi ranpli byen vit nan wikenn. Nou ankouraje vizitè yo pou yo tcheke kont Twitter pon an ([@GMMCB](#)) pou mizajou sou sitiayson pakin ak kondisyon metewolojik yo. Plis enfòmasyon sou chemen an disponib tou sou sitwèb pon an, [mariomcuomobridge.ny.gov](#).

Rockland Landing sitiye nan 1200 Route 9W nan South Nyack, sitiye ant Interchange 10 nan Thruway Eta New York la. Chemen an aksesib pou rezidan lokal yo ak siklis yo atravè yon anbranchman ki konekte tou ak Esposito Trail, twotwa lokal yo ak State Bicycle Route 9. Westchester Landing sitiye nan 333 South Broadway nan Tarrytown.

Chak otobis Hudson Link gen yon etajè pou bisiklèt ki ka akomode twa bisiklèt ki menm gwochè ak gramoun epi ki swiv direktiv aksesibilite ak ADA yo. Hudson Link prioyize sante ak sekirite, li mande pou kouvri figi ak pran distans sosyal abò navèt la. Kouvri figi a dwe kouvri nen ak bouch pandan dire vwayaj otobis la. Apre yon jounen ranpli ak plezi sou chemen an, otobis navèt la remennen vizitè yo nan machin yo oswa nan estasyon tren an.

A 5.7 km, Pon Gouvènè Mario M. Cuomo genyen youn nan chemen pou itilizasyon pataje ki pi long nan Etazini. Sitiye sou bò nò ki ale nan direksyon Iwès pon an, siklis ak pyeton yo rankontre sis platfòm pitorèsk, pano entèpretasyon, ak zèv atis publik pandan y ap travèse Rivyè Hudson. Manje, twalèt, ak lòt ekipman disponib nan aterisaj la nan konte Westchester ak Rockland. Nan Westchester Landing, vizitè yo ka jwi sèvis de machann: Dous eBikes ak Double Barrel Roasters.

**Komisè Depatman Transpò (Department of Transportation, DOT) Eta a, Marie Therese Dominguez te deklare**, "Eta New York pran angajman pou elaji opòtinite Iwazi pou rezidan yo ansanm ak vizitè yo epi chemen pou itilizasyon pataje sou Pon Gouvènè Mario M. Cuomo a se youn nan pi bon fason pou wè ak fè eksperyans majeste Rivyè Hudson. Depatman Transpò Eta a fyè pou l sipòte sèvis navèt gratis sa a pou chemen pou itilizasyon pataje a, sa ki rann li pi fasil pou moun k ap mache ak siklis yo jwenn aksè ak pasaj inik sa a epi jwi bote pon an ak Rivyè Hudson, pandan y ap fè pwomosyon pou yon New York ki pi an sante."

**Direktè Egzekitif Otorite Thruway Eta New York, Matthew J. Driscoll, te deklare**, "Navèt bis nan wikenn nan bay yon opsyon pratik pou moun vizite youn nan atraksyon ki pi inik nan reyon an. Alafwa pyeton yo ak siklis yo ka pran navèt gratis nan kèlkeswa aterisaj nan chemen an, epi eksplor vilaj litoral ki toupre yo san yo pa bezwen enkyete sou pakin. Nou remèsyse NYSDOT pou patenarya kontinyèl la."

**Lidè Majorite Sena a, Andrea Stewart-Cousins te deklare**, "Pandan n ap travay pou rebati pi byen, endistri touris pral enpòtan anpil pou ekonomi New York la. Chemen pou bisiklèt ak pyeton modèn lan sou nouvo pon an atire vizitè ki soti toupatou, epi sèvis navèt gratis nan wikenn pral sèlman amelyore aksè epi ogmante sekirite nan chemen an, jis atan pou klima ki pi cho."

**Manm Asanble a Kenneth Zebrowski te deklare**, "Pandan ete a kòmanse ak plis moun ki soti deyò, mwen kontan wè retou sèvis bis navèt gratis la nan wikenn sa a atravè pon an. Ane pase a te yon siksè fòmidab e mwen pa ka tann plis Nouyòkè sou toude bò rivyè a k ap pwofite sèvis sa a. Mwen vle remèsye Gouvènè Hochul ak Komisè Dominguez pou efò yo fè pou asire sèvis enpòtan sa a kontinye."

**Manadjè Jeneral Asistan Hudson Link Ian, Marjorie Chin, te deklare**, "Hudson Link kontan anpil pou li kòmanse twazyèm ane nou an nan sèvis navèt gratis nan Pon Gouvènè Mario M. Cuomo a. Navèt gratis la pèmèt sitwayen lokal nou yo, ansanm ak vizitè ki soti toupatou nan mond lan, opòtinite pou yo mache oswa monte bisiklèt sou chemen an. Answit yo ka moute nan yon otobis navèt gratis pou vizite bèl vilaj Nyack ak Tarrytown nan sid Hudson Valley, ak tout bon manje ak ekipman yo ofri yo."

**Egzekitif Konte Rockland a, Ed Day, te deklare**, "Dè dizèn milye vizitè jwi bèl chemen pou itilizasyon pataje sa a chak ane epi mwen gen konfyans sèvis navèt gratis nan wikenn sa a pral atire plis moun pyeton ak siklis nan rejon an ak nan bèl Konte Rockland nou an."

**George Latimer, ki se Chèf Egzekitif Konte Westchester, te deklare**, "Rezidan Konte Westchester yo enpasyan pou wè Hudson Link tounen epi gratis. Navèt gratis la se yon bon fason pou pyeton ak siklis yo jwi Pon an, bèl Rivyè Hudson lan, konte vwazen yo ak bèl klima."

Otomobilis yo dwe sonje pou Mete yo sou kote, si li posib san danje, oswa pou yo ralanti anpil nenpòt lè yo rankontre veyikil sou bò wout la ki afiche limyè wouj, blan, ble, anb ak vèt, ki gen ladan veyikil antretyen ak konstriksyon nan zòn travay yo.

Nou ankouraje otomobilis yo anpil pou yo ralanti epi kondui nan yon fason responsab nan zòn travay yo. Kontravansyon yo double lè gen eksè vitès nan yon zòn travay. Kondanasyon pou de oswa plis vyolasyon eksè vitès nan yon zòn travay kapab lakòz yo revoke lisans chofè yon moun.

Pou jwenn dènye enfòmasyon sou sikilasyon yo, rele 511, vizite [www.511ny.org](http://www.511ny.org) oswa telechaje aplikasyon mobil gratis 511NY la.

Suiv DOT Eta New York la sou Twitter: [@NYSDOT](https://twitter.com/NYSDOT) and [@NYSDOTHV](https://twitter.com/NYSDOTHV). Jwenn NYSDOT sou Facebook nan [facebook.com/NYSDOT](https://facebook.com/NYSDOT).

Swiv Hudson Link sou Twitter [@RideHudsonLink](https://twitter.com/RideHudsonLink) oswa vizite <https://www.ridehudsonlink.com>.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418